



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1712

Q. 237. Quandonam peccatum dicatur publicum, notorium, deductum ad forum contentiosum.

urn:nbn:de:hbz:466:1-42433

planè inadvertenter , secundum Suar. De Juram. l. 3. c. 1. n. 6. Sanch. in Decal. l. 1. c. 16. n. 47. Dicast. de Juram. d. 2. n. 185. non ideo incurritur reservatio, quia tales actus externi non censentur in se reservari , nisi quando in se sunt peccata, saltem denominativè , quando autem sequuntur planè inadvertenter, non sunt in se peccata, nequidem denominativè , sed tantum sunt effectus peccati, ut dictum est l. 5. à n. 23. ergo. E contrà si reservata sit omnis luxuria interna , quando prodit in actum externum , si hæc luxuria interna prodeat in actum externum per pollutionem etiam inadvertenter sequitam , videtur incurri reservatio , quia talis luxuria prodit externè per actum , qui hic & nunc est proprius & connaturalis ejus effectus, omnis autem causa censetur manifestari per talem suum effectum sibi coexistentem. Unde si ex luxuria interna priùs habita, postea v. g. in somno oriatur talis pollutio , non videtur incurri reservatio , quia talis pollutio , quamvis re ipsa sequatur ex peccato interno antea habitato, tamen censetur per accidens sequi , aut saltem non esse sufficiens ejus manifestatio , cùm ordinariè possit & sèpe soleat oriri etiam ex alia causa naturali. An autem delectatio morosa circa objectum turpe , si ad hanc sequatur commotio venerea, censetur hoc ipso prodire in actum externum, dicetur n. 1672.

Q. 237. Quandonam peccatum dicatur publicum, deductum ad forum contentiosum. Bz.
§. 1. Tum censetur publicum, si in communitate vel vicinia , vel etiam in domo constante saltem decem personis, notum sit plerisque, ut pluribus explicatum est l. 3. p. 2. n. 1219. & l. 4. n.

786. Putat autem Andreas à Matre Dei Carmelita Salmantic. De Privil. Regul. c. 4. pu. 1. n. 26 publicum distingui à notorio, & hoc dici notorium, quod coram majore parte communitate factum est: E contrà si ad notitiam communatatis alio modo pervenerit, dici tantum publicatum seu factum publicum, famosum, manifestum, sed non ideo esse notorium: hæc tamen distinctio vix servit pro praxi in hac materia nam delictum, sive sit illo sensu notorium tantum publicum, censetur simpliciter non occultum.

1657. §. 2. Ut delictum sit publicum, requiritur ut non tantum actus, qui est delictum, sit publicus, sed etiam, ut publicum sit, quod talis actus sit delictum, sic enim fieri potest, ut excommunicatus publicè ministret Sacra menta, qui non scitur esse excōmunicatus, quamvis actus ipsius sit publicus, delictum non est publicum Nav. Sayr. Sanch. Barb. Sa. Loth. Tr. 1. q. 1. a. 3.

1658. §. 3. Si delictum sit publicum in uno loco sed in alio loco, in quo petitur absolutio, sit ad huc occultum, nec detur periculum proximum, quod in illo publicetur, Avila & alii cum Sanch. in Decal. L. 2. c. 11. n. 20. dicunt hinc censori occultum, prout opponitur publico, qui revera hinc non scitur: Contradicunt tamen probabiliter Suar. Castrop. Loth. suprà, quia quod uno loco est publicum, simpliciter est publicum, nec potest dici absolute non publicum, ergo nec potest dici simpliciter occultum.

1659. §. 4. Si reus sit accusatus & citatus à Judice, Ricc. Henriq. Avila, Sanch. dicunt delictum ejus hoc ipso esse deductum ad forum contentiosum, quia citatio est primus actus judicii, §. final. Instit.

Instit. De pœnâ temere litigantium. Sed probabili-
ter contradicunt *Lancell. Barb. Loth.*, qui requi-
runt litis contestationem, saltem per executio-
nem citationis, aut per comparitionem Rei co-
ram judge, uti in simili dictum est L. 4. n. 529.

§. 5. Si Titius & Caius simul idem delictum 1660.
commiserint, & solus Titius sit ita citatus ad
Judicem, delictum Caii non ideo dicetur dedu-
ctum ad forum contentiosum, *Nav. Castrop.*
Sanch. n. 21. Loth suprà.

§. 6. Si reus sit in foro contentioso absolu-
tus, delictum ejus non amplius per hoc cense-
tur publicum, *Suar. Sanch. Barb. Loth.* Idem est,
si accusator per annum taceat, quia talis tac-
turnitas arguit defectum probationis & æqui-
valet absolutioni, *Barb. Loth.* Quod verum esse
dicunt *Sanch* & *Loth* contra *Suar.* quamvis an-
tecesserit semiplena probatio, quia quando hæc
non sit plena, reus manet in possessione inno-
centiæ. Si autem delictum fuerit in judicio pro-
batum & punitum, adhuc dicunt *Henriq. Sanch.*
Avil. Regin. definere esse publicum, quia cùm
jam satisfactum sit autoritati Judicis, videtur
cessare publicitas istius fori: sed in hoc proba-
bilius contradicunt *Mascard. Tiraq. Menoch.*
Suar. Bonac. Castrop. Loth suprà, quia licet judici
satisfactum sit, tamen cùm delictum sit juridicè
& justè publicatum, est & manet simpliciter
publicum jure.

Q. 238. Quid addendum sit circa casus reserva- 1662.
tos apud Regulares. Rz. seqq. §. 1. Undecim casus
Clementinos, quos solos propriâ auctoritate
reservare sibi possunt Superiores regulares, re-
fert *Busenb.* n. 1600., circa quos addam aliqua
à n. 1669. ubi explicabo, quid intelligatur per
Ooo 4 apostata-